

隨風聞漸遙已復靜皓皓天宇涼森然毛骨省吾生忽如寄過目驚飛隼朝開渺難期百年空鼎鼎夜深展陳編兀對寒鏡永亡羊不可追補牢庶有幸古意免絲生澗底上託蚪

松樹免絲方引蔓松忽震其畫山水能入逸品又頗究醫家言舉戊子省試第一明年卒

輦下年三十九其同族有祖澤者亦才而蚤世祖澤字子潤少雋曠姿逸若鶴為諸生名

出一縣善畫及行草八分書亦能詩湖口大風雨西北忽冥晦湖天沈四圍風聲排浪立雲勢挾山飛入坎嗟何事扁舟亦未歸吾生兀漂泊

買酒對苔磯白鶴泉亭涼意動林木徜徉亭自間泉流至今冷鶴去幾時還細雨僧歸寺

孤雲鳥入山瀟湘仍北注日夕響潺湲湘江夜泊三十六灣水扁舟宵正停一星認漁火

孤影照青熒鳧雁飛初沒魚龍睡不醒蕭蕭俄滿耳脫葉下林垆李北海碑野日沈山盡

蒿萊手自披龍蛇躡斷劍風雨剝殘碑片影土花澀孤撐文字奇飛仙杏黃鶴刻畫爾能

為嶽麓初夏瀾鳥巖花都自得誰家閣子抱溪流雨餘蒼翠山如潑江外青黃麥其卒也

早秋野老忘形分一醉詩朋射覆散千憂支筇便欲橋東去看竹時登近水樓

年二十九長老識與不識皆惋痛之祖澤強識多通喜盱衡今古嘗論劉裕蕭道成陳霸

先皆不幸為天子使以將帥終鋒顧可櫻邪又論明有武宗之繆亂世宗之伎很而國不

隨斬者以持其後者為張居正之綜覈也識者頗多其議祖澤著有環谿草堂集

吳成地字筆初居填補二十二都鳳頭山通經術著有周易尚書注及詩文若干卷清道

光中卒年八十卒之日集子孫榻前命取生平著述火之曰吾不欲以是莪莪見稱於曉

慈利縣志

人物

世也同時注易有寇掄元掄元清廩生所注易亦無傳

黎昌韓字冰次本生父大福字晴峰喜輕俠善解人急昌韓生亦負奇年且冠猶試騎射

有司已悔焉痛繩已於學藝飈進清光緒十五年侯官張亨嘉來督學奇昌韓試文激拔

之於是昌韓名一時赫然昌韓故有心疾常鬱鬱其後生計又大落因著桐君石君傳以

况沈憂桐君者琴石君者硯云桐君嶧陽人也面漆黑鬚髮落落然右脇有十三黑子其先帝舜時以侍歌南風得幸命以五采之服至周武追論

火幾功於是侯伯七命之服焉當此時桐氏也趨往拯出之天下季漢時子孫流徙中土厄於

曰嗟乎吾先世固有棄其命服從陶元亮以游者子乃疑我弗能留何哉予大喜相得益

甚越二年有石君從端州來亦交於予石君無弗與偕者且資其力獨多然二君雖志行各殊

筆墨文字之役桐君或謝不往而石君無弗與偕者且資其力獨多然二君雖志行各殊

阻而不鄙予而曠就乃一也噫當予結客時座上日數十人以為常不及餓困出走經艱虞險

哉二君者始見即隱其名故不著論曰一貧一賤交情乃見當予年少氣豪翁翁之徒奔

湊如鱗顧不幾時而事勢變矣悲哉季漢虞仲翔有言士得一知己死可無恨予今得二

君之心如此是以終日慨及病瘵仿漢趙岐四賢圖圖寧鄉崔暎石門閻鎮珩及縣人

康永祥吳恭亨四人者為九原賓主見者莫不傷其意先是亨嘉疑昌韓不與省試飛檄

所司趣行及聞其死歎曰湖西古文才燿矣惜哉昌韓死婦陳氏亦殉語在列女志昌韓

文筆沈驚詩尤健有體今總為鐵船集

千丈峽嶺崖積長陰沙鳴雨忽凍獵林響交足

出險候如夢魚背浙浙楓初丹蕭蕭荻微白西風與游子泛泛同一客臨汎憶故山極目

千巖隔安得擊漁艇弄此半篙碧宿西谿二首其一拿艇蘆江碣鳧雁與拍拍烟火耿遠

村鐘聞寺猶隔短榻且來夜餐同魚麥時局方多艱一夕憂集百挑鎧擊明鏡鬢髮冉

冉白其二步屐恣行眺夕陽著魚網欲渡羣喧息軋軋聞盪槩故人各江天昏旦勞夢想

相對一握欵仄下危磴雲片與相觸我歌君復笑山風聞猿哭其二壞雲驟神怪怒驅百

雷電一壁石怒生淙淙散雨點黑風鞭地來勢酣萬峰戰此時耳目魂母乃驚四眩回頭

嘆艱難登高縱遙眺溪行夕日樹背沈飛雨霞外斷陰崖白一氣倏忽變昏且策策風漸

生去餘冷頗聞虎嘯聲森令髮骨慄林罅見曉行涼月懸半破屢屢沒西嶺羣山辨微色遠

風送餘冷頗聞虎嘯聲森令髮骨慄林罅見曉行涼月懸半破屢屢沒西嶺羣山辨微色遠

病感子雲不曉事世陶強昔著日言挈杖還西廬雖無親舊趣杯酒聊可娛何必之商山始

黃綺隱渺然無與俱陶強昔著日言挈杖還西廬雖無親舊趣杯酒聊可娛何必之商山始

忽若浮烟程朱亦何罪長夏靜乃為賢子本談奇人頗思補絕傳大雅寥無存已矣空長歎

還家吾道與世違還家且休息已遠人憂豈曰不違食有時娛親旁常見好顏色不夷

亦不惠聊復渾白黑繙予案前書看婦機中織怡然有餘歡何嫌孤與直懷月巖先生武

懷美人去湖西秋盡猶未返欲往從之游曼曼路脩遠念子多耿介誰與同息偃豈不常

陵思臨風默茹惋惜哉各東西相薪加餐飯書懷出門飽聽街頭鼓白日杲杲風吹雨牢

落青衫奇氣橫眼前瑟縮檻中虎人間得失那可論白

眼高歌空復許故山亦有邱壑不如歸去事農圃

慈利縣志

人物

何金釗字秋江清八都生員為人溫恭莊默窮居教授垂五十載自研經史肆文學外人

世一切大都惜如生平無佚行里俗稱博百無所睹聞一日浮舟下澧舟載皆求試者時

或縱博博時錢注一一錯列金釗旁睨久之歎曰吾今乃知博有君子之道人曰何也曰

某注勝是當償即償之某注負是當沒即沒之無有為一錢之爭持而吝其償斬其沒者

非君子而何金釗嚴氣正性非其義必不履從兄金鏞每議其拘嘗偕襄喪禮二人者同

衾臥中夕金鏞寤有物擗首捫之赫然裏袴也於是惡且笑潛以之衷已袴平日金釗失

袴諱不言但覩結外袴陽陽如平常凡助祭均脚靴長袍故初無有知金釗喪袴及是樂

奏堂上堂下人旅進退金鏞時就掀其袍角字而唱曰秋江先生奚袴金釗窘亦但目怒

之終諱不言也其兄弟間一莊一諧不同若此金釗卒弟子私謚曰貞慤金釗又有從弟

曰金鑄字蘓池亦生員端重頗類金釗皆所謂君子人也金釗長子曰玉球廩膳生員字

伯秋為詩詞各能工以貧薄糊口四外中華民國九年年六十客死田金楠為歸其喪金

釗前百年八都僅二生員其一曰張紹純與金釗同鄉里亦稱大師紹純溺於易人每行

路聞喃喃作商榷語曰卦某爻某即走相告張先生來矣又里下穀登行人取捷者往往履畝紹純出亦踵沿之不悟已雨降畝且瀦水也於是人又呼曰張先生胡爲泥中紹純始悟而襪履淋漓成浴水鳧矣

卓鑑清字菊浦趙煜南字務齋皆清廩貢生鑑清長身玉立與人交不尙翁翁熱務齋溫然學道稱君子人雄黃鑛在縣號大利而亦易誨爭訟巧媮豪奪人競欺詐故入股者十九折閱光緒初鑑清亦投貲黃出連訟經涉歲年一錢不名於是憤然曰吾無力蔓訟他日分股某應得者卽在斗溪口坡脚認貨斗溪口者餌黃出慈利必經由之塗也其曰認貨蓋主纂取鑑清道德士而言若此可見是鑛在縣之不易經營鑑清能爲詩光緒末刊所箸曰獨松園集煜南有從弟曰大寬喜爲任俠族兄大正設騙奪族人田大寬不平秋穀登強刈其田禾大正喻之陰起眾刈大寬他田之禾由是成械鬪歲必各集眾百數吹角列陣短兵相接略如對敵最後大寬爲所敗死纍纍則又易鬪而訟大正負隅不投案案懸且三載知縣馬象乾值大正少子某日昏挾數十役中夜怒馬蹕赴破其門獲焉繫

慈利縣志

人物

四

之於獄自道光來官府有所緝印一牒付吏執行蔑敢枝梧矣今大寬案乃至象乾躬率吏卒捕之聞是役虜掠品夥頤沈沈重不能懷者委之於塗皆徧父老方詫爲未見四三年來遷流所及是之區區誠又若司空見慣矣煜南嗣子曰炳薰爲武字營連長又爲縣議員溫然質實略與煜南同煜南同時澠北稱君子人者又有黎大貞黎大積大積字慶菴爲人專長者光緒中閩鎮珩講學有名大積率子成家往受業徒步百里越山驀澗及至足蹒跚拜伏地猝不能起鎮珩笑撓掖之顧言曰爲父兄者不當如是邪成家未幾卒齒名學籍大貞字吉甫簡重似大積與人和易顧平亭里下爭競是是非非一言不假借於是人又嚴憚之一夕歲除於門扉後獲伏者鄰貧兒某也則蹙額徐曰若何爲此等事寧可見妻兒邪亟予少錢逸之去晚歲二子成鎔民鎮及孫思贊皆服官政家亦累萬金顧敝衣草冠黯然如牧豕田舍翁人見者舉不悟其爲富貴人也大貞卒年八十一吳恭亨爲銘墓著之曰天下滔滔舊時先民淳樸之遺留若公所履今蓋曠不可復一見論者以爲知言

李德灼字少華居八都然河少工制舉文為諸生然河諸李雄於財德灼更以文學名清光緒中世八九都人集貲立學漁浦德灼與田金楠王之夔王堂信等實倡之一日人自石門聘師還五都歲貢某君選德灼笑曰漁浦延閣鎮珩主講何所聞而來貴都人奚獨祇單生兩耳德灼徐徐曰聘閣某誠有之聞所聞而來吾八九都人猶幸有兩耳他都人並耳亦無之者又何如鎮珩者通博號大師而某君言若此此可見當世風氣之錮蔽德灼有弟曰德燁少不讀書至是召漁浦講師唐右楨飲酒右楨新入翰林及赴李氏雜賓駢侍德燁獨肅衣冠候客座門外時六月暑氣如燔人或勸德燁少弛衣則欵容曰大人先生在而忘恭敬乎之夔九都長潭人字鳳山為人恭謹整肅略類德燁而多條理敢任事溪口為縣西大商埠時商會未立一切細大羣皆視之夔為進止之夔既立漁浦學又募建溪口橋費萬金皆一手經營旁無助力堂信字次桓之夔從弟住八都少讀書中致力農商研樹藝畜牧晚歲擅貲逾十萬高額子正鵠正鵠渾金璞玉人也浩浩然以酒自晦沒後其業師田金楠為志墓人比之夔自珍之銘王曇田金楠王準夫墓志銘云居同

慈利縣志

人物

五

行亦同乃折節從受書不稍有所挾執禮尤篤且摯視他弟子遠過之者吾門得一人焉曰王正鵠準夫父堂信祖恭槐世居慈利九都徙八都勤稼村自予家居授徒準夫即來從其後外出在家日淺然每歸準夫必相過問數十年如一日常擅富名廣交遊客至雖累月留禮遇不少衰喜飲酒飲輒醉醉亦不及於亂其飲也手一杯無他看品杯之外落花生葉然一切不握且嚼且飲語刺不休盡熟一斗米炊頃才可飲二三杯而止泊然岸然他一切不問又不習治家人生不產父沒二弟皆少錢穀出入俾人為主辦願亦無廢事年甫四十鬢髮純白每遇予輒引以自嘆已又自笑中華民國二年九月十一日年五十三卒葬九都杜家平配朱氏繼配張氏妾楊氏子三育宇育宏孫四恩亮恩錚恩錫恩銘後十年其弟正殿乞文追埋且曰吾兄每言生平師事之若父者惟東谿先生願矜銘之銘曰吾聞王氏有醉鄉其人者準夫儻其徒與貌外粥粥內則肫摯而夷愉生右文之時代困科第以走趨羌負奇思有以自見輒嗜飢臣湖而飽侏儒新我名者則厚我福母乃傳翼兩足之理無可渝服我如子知子惟吾一行傳矣魄永寧兮山陬

金躍治字小竹王育元字汲仁躍治少為蜀游頗以詩自雄及歸值吳恭亨講學棄去前稿更從受詩說為人不飾邊幅白眼睨當時唾功名士若奴人見者亦嫌其粗獷交多不能終躍治每詩一出自詫北宋其實多稚弱視同門黎昌韓胡盛汶雄健深刻微不逮矣所居白石屆縣西北極邊自立黃判剖來不省有文言而躍治獨奮起以詩稱雄殆所謂鐵錚錚而庸佼佼者歟躍治嘗中清光緒丁酉科副榜徙縣八都又十餘年以教授客死公安

躍治有安鄉作客詩云碧草粘天湖漲初屢樓出沒白模糊愁經烟雨二三月飽噉滄浪尺半魚無佛稱尊慚我相怕人搔癢讀君書澤居苦潦山憂旱一墮塵寰總不

如又讀史云自撤藩籬換涕痕坐令游牧到中原東山人飾麒麟楮南渡天翻蠅
婢盆正朔雖尊唯一線朝廷既小又多門三吳無限傷心史不聽江流已斷魂 育元亦

喜韻文下筆千言泥沙不擇試有司連不利發憤走雲南半塗族費罄四顧茫然乃竊懷
逆旅主人刀走出謀自殊爲所覺奪刀還育元於是大哭人圍觀者如堵忽一騎下馬排
眾提育元前曰哭者豈慈利王某蓋同學某自滇歸者也於是分金助之前育元抵雲南
未幾病發竟卒躍冶同里有陳金鏞金鏞字存吾子澍霖字立三皆稱瀟西大師金鏞恂
恂道學以禮自幅澍霖微不類然文采風流氣踔厲一世澍霖居毗連桑植故桑植士多
承其學派躍冶遺詩曰白石詩存澍霖則曰蠹齋泛酬草蠹齋日記又清生員陳子和者
跡弛詭辯喜與官中人交涉嘗裹金詣知縣李夢蓮度裹榻上封識爛如會唱他客來夢
蓮遽取書本覆金然後起立肅客子和出密語人曰吾獄直矣已而果然以故一方訟獄
皆歸之子和與人事富耐力千撼百折不沮視今人又有間矣一日犯槍替案常德學使
者命荷校狗數年其友吳恭亨客知府署子和造焉逮送客枷陳庭纍纍於是恭亨指一
枷叩曰當日君荷者豈此邪言訖大笑子和亦笑子和字丙峰年七十二卒

慈利縣志

人物

六

陳疇鄭欽謀陳紀善皆清生員疇字脩齋富進取力光緒中應試澧城北風大雪啟窗據
案作楷人或慰之曰吾習冷耳蓋其年爲拔貢試期學使按臨又必歲暮故疇預立應付
欽謀字子翼紀善字吉甫二人者同居江垭又同學性行不同欽謀拘隘而紀善揮斥顧
忠實則又同焉紀善口吃少年讀書縣城塾門內爲晾衣場所與講師之座直接一日師
不在同列狂呼盜攫衣盜攫衣紀善且趨出且呼曰抓及出見晾衣一如故乃頻以期期
止下文一字竟未吐口於時皆大笑紀善四十後走依族父清布政使燦滇隴官所東西
南北且萬里又嘗長權局革命起南歸囊不儲一錢未幾用親串細故雉經死欽謀爲人
專長者性怯羞又若婦女一言耳非禮面顏頰矣吳恭亨與同居長沙外出一兒尾之乞
錢歷數巷市欽謀囊無錢於是頰發於顏如沃霞他日又同出欽謀輒折歸取錢實諸懷
曰吾今倘不至爲若曹窘乎往時人書扇或聯下方署名必旁冠弟字非是以爲失恭敬
矣欽謀嘗以扇乞某山長書則僅單書名人或以爲誚欽謀遽撕扇碎之其迂狃多類此
又有唐元吉者字靄廷能詩擁高貴士謁者必與流連盡歡嘗偕吳恭亨騎出馬驚恭亨

遽狂呼元吉按轡笑曰哦便住青山一百年脚色亦畏躡邪住山句恭亨過其棲雲谷詩也詠詞雅調視時世富人蓋異矣

王佐朝字海峰以廕署清慈利把總桑植千總負氣勇爲抵隙貪官汚吏鋒稜剌刺人多側目然里下疾苦往往由其議論得沮萌未然忠於友事一有所肩深淵猛虎夾前後不惜也士大夫雖亦病其粗獷而終謂佐朝君子佐朝九谿人徙縣城晚年買田二都築室居焉與佐朝同時者有單盛丙徐鍾麟鍾麟字真園廩貢生喜以直言折人少年視事易側睨風雲謂科舉可握手致顧十試則十擯張之洞督鄂以兩湖書院羅致南北文秀鍾麟亦與顧居院久文章又不能成一子垂老佗傑晦於商一歲爲詩猶千百首老驥伏櫪志常千里乃年逾六十竟客死識者悲之

鍾麟有清明感懷云別有傷神事不言紅桃門外月黃昏縱然淡抹人雙豔記得新年酒一尊

隔座送鈞春婉婉搗燈悄話袖翻翻鶯鶯曉喚聲千萬風雨難回花落魂

盛丙字柘園與佐朝鍾麟皆姻婭而性柔緩爲文能

刻深年四十矣應知縣李夢蓮試夢蓮奇其文拔之第一亦終不得爲弟子員盛丙試縣文多條舉地方利病一日夢蓮自鄉勘驗人命還客往謁夢蓮蹣跚出語客曰吾今實行

慈利縣志

人物

七

單盛丙條陳矣乃竟陷我使跛且言且大笑盛丙與康祖蕃吳恭亨皆從朱上瀛受學於是恭亨評謂盛丙成就必不如祖蕃或詰之曰盛丙一書及目甫數行輒已祖蕃不然讀不終卷不止卷帙多者必袖歸徐咀嚼同時又有莫兆權兆權字悟園少蹭蹬試科舉與盛丙同爲人質實畏謹宣統初元舉孝廉方正旋卒其死前避盜轉徙一月數易其居卒後吳恭亨爲銘墓詞特悲咽

戴峻德字龍溪清武進士署鎮守備未幾歸峻德溫文爾雅不類曠猛善作擘窠書性孤冷峭直公事友事治皆如其私吳恭亨少年以鄰失盜呈名京控付按察使決治被訟繫既對簿又不引問命還繫道經峻德廡薦入求援峻德蹙頞曰行耳京控拖死人於是匿之複壁即夕果大索並及峻德廡峻德時筦城門譏禁歸語恭亨曰今晨七門洶洶噪言臬署囚脫獄逮啟告知爲證人已救平如常矣相與大笑旦日偕之獄麓命弟曷煥代治裝曷煥字龍川縣附生亦勁挺喜抗稜官府至是護恭亨登舟值無臥具則懷金餅二復跳登岸爲市襪被今距其時已四十三年心目中猶髣髴曷煥肩膀纍然蹲一捲大

踏步跨船入唱曰鋪蓋來夫曷煥生員也身分又貴介弟左右使令寧必無人乃郵友之急不憚屈尊至此悠悠薄俗可以風矣其後人爭曷煥花巖山煤鑛吳恭亨與平亭議已合矣曷煥忽正色顧言曰秀才背時至挖煤炭誠不得不謂之窮而口舌是非今猶若難避免六合雖大何處容吾曹著足言訖幾縱聲哭曷煥卒年七十六

胡崇文字質吾少孤貧清道光初率婦由贛來縣一男一女立無四壁久之婦織布贏匹二持爲基本金肩日用品游各村落搖鈴鼓叫賣名曰賣小貨不二十年公大賈累貲巨萬矣崇文爲人誠正應事接物曲合尺矩故至今人人口之後生初執業務相與願禱必曰蘄若營業利市爲賣小貨胡崇文也其見稱重若此崇文晚年喜爲財施歲斥二三百緡別籍籍之以爲常生員彭邦華歲試高等當補廩膳生而無貲買缺慈利俗生員試高等無缺給他廩生貧者少錢使報捐即可序補至是邦華偕其弟子田金楠謁崇文告以故曰誠佳事但數幾何金楠曰願假若干又若干當他告貸崇文沈吟曰彭先生一貧至此他人豈空擲金由我全負之於是請署券笑謝曰果償金券能爲力邪立劑金付邦華

慈利縣志

人物

八

袖歸里無賴者歲暮詣崇文乞助常得意一日又來子弟怒其頻數揮之門外則大號跳眾雜然呼投客投客崇文呵止之更前問所需曰二碩穀耳崇文曰諾若旦日來肩無賴泥首稱謝去於是崇文集子弟庭諭之曰今日之事客來即酒食費寧止耗穀二碩且客又寧有殺人權斷其頭邪始終非出穀不了歲暮事蝟集無取自擾故不如已也其智之周事若此與崇文同贛籍同營商業同敦尙一行者又有于孝義孝義先世金谿人世賈溪口市孝義之居肆耻市儈欺諉乃考核百貨價格折中立程限溢限與不及限皆絕不交易由是人崇信之一日傭者持疋布白孝義言可少增價售亦不滯也奈何爲株守曰母錢千子錢四十更番出入利固博也時供求之差率而苛索之非義吾自立限而自敗之非信不可孝義卒由商致富孝義童子師朱劭書嘗指一山示孝義言爲族葬地他日倘爲汝有幸曲護宰木他日果買有之卽署師命券尾示嗣姓以必履約論者謂其篤風義庶幾亦崇文之亞孝義卒清宣統三年年七十

于煥祖字部寅清生員爲人端默廣座大庭終日寂寂其試長沙嘗同諸友詣康祖蕃列

坐轟談逾六小時出祖蕃送客呼同人字煥祖言曰試記茲數小時中某實未聞部寅作一語也眾皆大笑煥祖爲團總有互訟者庭訊訖煥祖袖團總印牒前乞卸職知縣劉熾怪之曰適彼一造非控生員跋扈邪熾遽狂笑曰君果跋扈者好團總矣其若與我聞相反何避席揖而反其牒與煥祖同時有楊道鑄道鑄居漁浦字曰陶山漁浦團與部寅之西溪團鄰也以尊宿團百事必與聞每選人爭競煥祖恭默危坐道鑄則詼嘲滑稽詞鋒滾滾略不一及本事爭訟者往往逡巡自解去故人相語西溪之團以煥祖不言治漁浦之團以道鑄不正言治論者以爲確詰又有譚吉易者爲二十二都團總亦號爲正派吉易字小耦人來訴爭訟不禦以口給但顰蹙言曰若不用吾言止爭吾行見若破產異時切記莫詈吾旁觀也於是感其誠往往中止訟蔓吉易又嘗經理九谿倉穀清光緒戊戌大饑旱民千數守倉噪求穀時倉穀前出貨無可應付吉易暴酷日中往來辯說百端藉收巨費卒以是嬰暑病歸未幾遽卒

張帝明八都大姓也子爲寄猥被戕縣俗民橫死其親屬不待報官驗立糾男婦往詰所

慈利縣志

人物

九

由死名曰講命案至則戮雞剖豚恣爲無忌一不當門壁碎無遺矣故被禍者雖鄰比旁逮亦時或至傾貲破產云及是張族集者數十百輩方洶洶帝明趨前拊屍泣曰兒今死晚矣顧奚與人事趣昇屍還更治具徧飯族人族人皆愕相顧竟莫能有異論用是人多誦帝明長者其先同里又有楊冕田士宏事冕故良農兒宗瑚無嗣出金爲買妾及入門怪其慘泣詰之曰今與故夫違念嬰女稚兒是用悲耳冕驚曰世焉有奪人室而已嗣可繁昌者立命追其夫還之更不責問所給直士宏字瓊林亦長者好俠喜土產不中貲親串某告需士宏爲轉貸給之至期無以償將代完顧念不正告彼且恃貸之可無歸錢也而浪費則出己貲付某自舉償於是某又乞其贏或疑焉士宏慨然曰通財義也鄉者吾之貸也俛其急也惠於始而卒也悵焉非君子友睦之道矣亟傾橐界之族有侵士宏山者士宏割予之已而又前侵輒又予之退諭所親曰吾頃失者尺寸土耳若爭而訟則錢入官吏又傷敬宗誼爲失不反大乎聞者皆伏其高識

宋光儉字煥節戴彰龍字芙蓉均有遺直之目光儉嗜飲數斗不醉年六十矣負囊叫賣

小貨足紿一裹躓拾之赫然金也重且沈沈在十斤以上則懷金席草坐待有頃失金者迹至叩其額信光儉出裹還之失金者拜受分半爲報光儉曰吾重金者吾豈猶販小貨哉不顧而去彰龍業醫專求活人貧者藥費無出彰龍爲賒諸肆簽己名焉歲除割訓蒙束脩一一代償藥商彭某高彰龍行堅祇受半價叩之曰而公誠君子亦知蘧伯玉所耻乎光儉彰龍年各逾八十始卒彰龍子宗嵩亦有義行丁某者售田并所種麥署券焉明年麥熟宗嵩召丁趣刈麥命之曰若失麥必難資生吾何忍用是蔑蔑而擠人於死其後丁泣語人曰向者非戴家翁讓麥吾屬有遺種哉宗嵩字天柱孫超羣曾孫春華皆中清武舉

傅裕祥字可野清中葉由贛遷縣下二都東嶽廟儻屋居焉人察其誠實給田使耕晚年驟有田千畝至孫光前光庭又增置四千畝歲租入號穀萬石矣當是時下二都方百里間土田大抵皆入傅氏獨界溪河有四方大田非是至是議收買田凡十畝不更論價乃涸田水用散錢徧布即以所布錢爲代價田入演劇十日至今已百年猶時時傳言傅姓

慈利縣志

人物

十

人買田唱戲慶賀對口也

莫維德字九峰與上二十五都莫維校同以富名維德居在下二十五都莫家橋清道光己酉水潦大飢維德斥金賑之全活以千計子遠達字雲衢亦輕財有義行清咸豐中有粵事伏莽四起遠達治團練謀所以爲守禦法甚飭一方倚以無恐維校字教生生平飭內行勇於爲義家本富也益用其術衍之擁有田租萬石嘗曰吾不知白圭計然何學派特以爲儉可師魯季孫行父齊晏嬰其圭臬乎田金楠爲銘墓言如此故附著之同時有陳相文以輸財急公益聞今申家灣渡舟垂百年赫然無恙者爲相文置田之留遺云向貴榜清嘉慶中武生喜施濟歲凶族里待而舉火者數十家遂以覆其貲其後有向位熙向位銀與貴榜均產縣十五都位銀字珍茗跌宕縱酒不治家人生產其卒康永祥爲

之銘墓

康永祥向位銀墓志銘九谿之西有俠丈夫焉曰向君珍茗自少跌宕不羈母文孺人督之嚴數逃去稍壯多膂力善射能於百步外挽強命中及進試於有司則

猿豹

已而嘆曰命也遂棄去嗜酒日與少年數十輩轟飲村場醉輒上北山逐狡兔麋鹿捕殺之以爲樂不治生產視世之求田問舍握籌運奇贏計較銖銖昂首雲霄弗屑

也由是議者皆以君爲狂而君性實坦夷無畦町一言之善幡然樂從處倫常尤篤恩紀其不易測如此嗟乎古之人負奇節鬱不得施往往退託於藝事縱橫馳騁以發舒其意

氣君儻近之邪余既多君之為人又與君從子思遵友因按狀為之銘君諱位銀號珍材

超俊其字也以同治庚午年月日卒子一銘曰迹戾古氣蓋世縱狗馬銷壯志天生厥材

而逃儻知之位熙字伯雍為人無所暴於人人尊憚之村場販豎鬻集與姦民為不法聞

位熙至輒屏息作恭或潛踪逸去有貲巨萬半耗於義舉逮其死有訟毀家者相與憮然

太息曰使吾伯雍而在吾何至於此

張杏孫元孝子少孤事母謹母歿哀瘠盡禮鄉人僉稱曰孝子孝子其里有鹿泉歲旱涸

焉杏孫拜之注如初子兌舉進士自有傳杏孫後有明杜世壽清符正道皇甫天沛戴彰

魁皆割股啖母而正道割股時則又年僅十二督學宜黃謝階樹作孝童行紀事焉慈利縣符

秀才有母病苦飢飢思食肉無錢買秀才年尚孩聞母言蒼黃走長街如坻如陵机上肉

除之不得攔道哭恨不遇安色令恨不作穎考叔歸向廚中行躑躅机上忽見切肉刀兩

刀割股如羊割愿以肉隔壁號聞母號痛心自思吳君向令蚊嘍肌我今何惜療母飢持

兄問安得錢但云除之屠詰朝屠者咸嗟呼母言孝子符兄言孝子符家人皆言孝子

符如今稱為秀才符真秀才本孝子父別居媿欲死君不見子與寢疾啓手足冰淵乃為

小子歸又不見子春下堂傷其足常恐虧體為親辱中行不得思狂狷論品當書獨行傳

孩提知愛貴一誠偽者斷臂忘毛輕前志又載黃啟元親喪廬墓三年又有王廷柏者父

君試問黃帽郎腹中何如安金藏

慈利縣志

人物

十一

曰樹槐游學無方兄廷松求之數年亦不返至是廷柏又往芒羊滇黔山谷間旅費罄悵

然無所見乃髡為僧西之蜀最後卒選父宜昌御以還焉於是又往求廷松年餘亦與偕

歸鄉黨莫不奇其誠孝廷松婦陳氏有義行語在列女篇又江啟明傭也父蚤卒兄復遠

賈啟明獨力事母母病痿年至八十五飲食洩溺啟明咸躬扶攜之無乏亦無倦又有譚

佩珍向聰瑩蕭延基楊秀煥前志亦列其名孝友特所述多雷同無殊異者故茲不以并

著云

許其梓字仰喬清江壩人善畫工醫歲常客游為人和靜溫則尤篤內行中歲析產益貧

然錢入不自私前後葬兩兄一弟一嫂嫁一姪女娶一姪婦姪死又為祧一子一切煩費

胥由己囊不毫髮生計較年六十矣息影丘園專一事母母黃氏髦老夜枕苦無睡其梓

旁侍輒雜取里巷瑣事及古今忠孝義烈諸奇詭可喜愕羅縷陳說母亦往往為破顏既

病泄痢又無婢媪裏衣汚者竊取浣滌其屋居去水步凡上下千數百石級一日黎明人

見其梓蹣跚遵級上數步而一喘息始問而知之不悟其日月如是焉其梓晚節益困一

錢非義不有卒年七十六嗣竟斬同時有庾昌楷亦稱篤孝事繼母潘融融洩洩一若嬰兒母頗能飲每夜必暖酒侍坐雜陳稗官小說以爲侑方暑拂蚊未冬溫被自奉母外一不知人世間尙有他職務母卒前嘗語人曰使人皆如吾兒雖不屬毛裏何害又有杜林模本吳氏子童時行乞犬噬傷甚巨杜文學夫婦憐而醫之遂嗣焉林模力田孝養一錢不自私杜族涎其有百方謀逐之林模毅然曰吾父母一不死萬難舍去他日但獲終事爲杜氏後可爲吳氏後亦可

谷得鼎十四都人母日向氏得鼎貧如洗以傭工養母傭一日必取一日之值人憐其孝亦慨給之已而母遭疾勢不得復傭於是負母行乞冬令寒風起雪雨總至則投高門哀懇憇母旁舍乞有所得先以啜母雖終日未進粒粟不敢妄一嘗也清某年母卒挂片席墓側淒涼徬徨未幾亦卒又有姜順祖順祖字德毓下九都人慷慨重然諾族某火爇廬傷足穉子飢無人色順祖召之至曰汝吾宗也我飽汝飢祖宗將不許汝其伴居我廬當不俾汝父子託鉢沿人門無所於歸也就食五年某卒子亦能成立

慈利縣志

人物

十一

唐文魁字星山八都人雄於財清同治初入貲爲湖北候補知縣旋卒文魁神於醫施鍼灸奇效又研練辰州符術甥某年十二緣木跌焉膝骨凸出遂跛久之文魁自鄂歸或央使診則曰諾亦未遽施手術文魁故有鴉片嗜好一日呼甥就榻前陳塊石襯創處俾闔目箕坐有頃突蹕起手巨槌槌所創膝厲響砉然若裂崩巖於是皮槌擗喝曰走走創者應聲起旋陽陽常人矣妻弟婦癱結於乳疼至不可忍漏夜馳一力走三十里迓文魁且傳妻母命曰唐家郎若延不即來者請從此斷姻媪關係文魁笑謂何至於是亟詢病何狀病者臥何向且詢且持所用鴉片籤插烟斗中隨蹶起曰潰矣潰矣一鍼見血奚煩臣僕馬爲後比較之婦癱潰時即文魁籤插烟斗時云相傳文魁之從宦浮沈無所表見會總督官文愛子嬰惡疾已氣不屬矣或以文魁薦及至未診褰幕布諦視遽白言無死法但他或一鍼可了公子沈疴恐必至再至三耳鍼三入僵者即目眴脣掀於是闔署皆謹噪旦日總督飭鹵簿騶從出謁謝唐知縣塗觀者爭嘖傳至門文魁用鴉片嗜好晨猶僵臥倉猝間以不敢當辭旦日戒備總督猶未來文魁方卸衣冠如廁遽聞道鑼鳴牆外人

聲鼎沸傳呼總督來其侍者更番趣文魁遺矢病結終亦不能出迺後總督洞其實遺之多金俾告歸文魁弟子有王育本

王育本字道生亦八都人田金楠病痔行坐臥皆廢育本來診憮然曰治亦殊大難但須依吾法吾守治之半日可臥二日可坐六日起立可復常也試之果然金楠故講師不能爲常動因病背強一彎曲即奇痛育本診謂當摸油火否必成痼摸油火者熬鍋沸油投以藥病者蹲沸鍋上醫徐掬油摸痛處金楠悸不敢試曰無傷也吾爪固先若背犯險及據鍋藥入沸油洶洶作巨響育本探手掬觀者皆口噤股慄金楠言背受油亦僅平平熱度也凡十數摸疾良已

八都又有楊遠賴者醫專治喉百試百效一日過其族孫發炳發炳喉痒病卽時所稱白蛾證也來速而險氣奄奄僅屬遠賴顧見愕曰不可須臾緩吾鍼未挈來奈何沈吟有頃命速灸火煨紡紗鐵挺子及其紅一人出剪撥病者口使張遠賴左手持箸爲枝格右手提煨紅挺子直刺其喉挺出挺入不及瞬血噴射數碗登時起

慈利縣志

人物

十三

廖仕福字元吉二十都人亦精祝由科術與唐文魁齊名謁醫者至門問所痛苦飲之茶痛立減或病瘍仕福問瘍大小巨細义手比較之手义圍愈縮瘍亦愈小立時潰刀圭不劫已九谿營遊擊鐵亮廷婦癰生私處仕福啖以所啜茶痛止而腫如故於是即客廳柱上咒符水鍼之鍼拔而創遂潰某氏兒出痘黑漬徧體如漆且又惡臭仕福曰絕證也姑筐兒懸林木邃密處時方溽暑蚊蚋結陣蕤蕤然且日視兒黑色驟滅蚊吮者皆死布地厚如凝塵續投之藥竟無恙族子某習騎射墮馬惜不省人事仕福見謂肝失位命二人掖病者疾走數十武立即霍然仕福亦能技擊嘗偕胡峻德逐一虎虎中矢燐甚攫仕福不吐口峻德連槍擊之虎傷鼻舍仕福蹶地哀嘯從者大恐扳松求匿松弱不勝人人上松輒下及虎斃猶倉皇搔拔不已

楊乃國下九都黃泥潭人愚騃嗜酒富膂力清末結廬牧羊每夕欄羊於苙鋪席苙外臥焉酒盃蔬鉢雜陳其次一夕月晦乃國被酒無寐突大聲起窗牖扞之毛蠕蠕掙動哮類喘牛乃國不悟虎闖鐵樞脅洞被貫挂也亟棒棒之腦裂血淋漓則掀皮牆隅不更然燭

捫楹牛飲酒力既厚又聞羊亂羣鳴矚之有物跳苙撲羊二目爛爛若炬亟手棒躍跨其背縱橫徧擊物負痛踔竄苙外觸案几盆甌鏗砉作奇響乃國終牢跨力乏棒止兩少憊矣出手謀扼其吭瞬被嚙乃國狂叫鄰聞聲羣奪門入問若何在曰吾蹲在其背於是亂挺下立僵取火高燭皆曰噫虎也虎也乃國措爪血蹒跚前曰虎乎若然吾頃已斃其一迹之牆隅果赫然又一死虎旦日貨虎得金若干治嚙傷外贖金乃國悉舉以市酒劉光壬李衣之光壬字劍泉清增生精眼科醫術治有奇效桃源某踵門告病既診視令速行曰吾不能汝治也某行命其子曰汝迂道繞前待其行及某地可挽之復來某行抵某地瞳忽爆裂水汪然泛衣襟於是追者至遂偕返光壬曰曩恐若睛炸迸吾室藝吾術且損吾名今若此一目猶可完吾必不靳刀圭也留治之其一目竟無恙衣之字商山清廩貢生爲八股時文有深沈之思附學籍後爲九谿營稿書用訐上官論褫監禁後更今名再補弟子員衣之目短視於一世人少許可中年後研究醫術傷寒靈素信口喃喃誦無躡字脫句治病亦有奇效異乎他庸手不讀書者惟眼光苦短一孔之見造次殺人乃

慈利縣志

人物

十四

或不能爲曲諱云

拳技名者有王正耀彭六李品三正耀八都人讀書明大義壯習騎射嘗宵爇香火百步外扣箭射之火立滅一歲罷試歸道臨澧合口市友某者先行與市人爭縱橫提其人連陪之闔市譁怒集眾操械羣起會正耀行至佐門焉掇二木几爲武器據橋險獨身相角几左麾人人挺刃排牆左倒右麾人人右倒卒從容護友脫出正耀精使鞭少年從族賞槐游長沙誤雇盜舟某日未午泊湖汊四顧無人迹正耀懼僞師賞槐及昏賞槐譙正耀廢技命演鞭於是戒長年具沸水正耀佯爲弗悅也者喃喃詬詈既遵渚出鞭盤旋舞眾目集見鞭不見人也賞槐大呼以沸湯來沸湯來命環鞭揚湯一鍋罄正耀鞭止衣無一二沾濡盜駭慄卒不敢動正耀垂老羣集貲請授技惡少某預焉則伺正耀與人對立塘上閒話遽從後擠之正耀微俛立起惡少兩指已陷入正耀臀痛晷呼聲哀若豕之就屠乃笑推令去

彭六者與兄五均饒膂力亦與王正耀友善回民某號善拳鬻技築臺於澧懸金揭帖約

鬥勝聽以金去敗償如數鬥死兩不論名曰打擂臺正耀與五讐某魁梧又人人言其技神也噤不敢問鼎六耻之取帖求鬥既上臺人見六短小已訝非敵及接手六百方濡忍避鋒用短小故跳避捷疾某盡力搏之不可得則大怒目睽睽如火六愈濡忍若僅能自護無一可加於人也者於是某漸輕六益相偪六疾竦身出其後某方折旋兩睛隨六指迸出矣於是取金如約去時有某拳師亦在禮號無敵能以指椿木深入土一二寸至是憤六仆其徒欲爲報六訶知與五及正耀各衷楮夾鐵葉周護一身要害厚蒙衣始出一日還之廣場某前致殷勤以正耀獨焯勇冠曹也乘不備指搥其腰部正耀覺如斧劈銳甚不可以力禦因僞笑曰公何惡作劇某見正耀殊無苦大駭因亦僞謝去

李品三亦友正耀能飛石二三百步外命中不失銖黍或試其技立人一里外爲鵠旁儲盆水定約石投盆水水濺及人衣爲中的一發果然故當時有品三石竹溪鞭之諺竹溪正耀字也其後有張宗和周東來

張宗和者少爲盜長痛悔艾髡髮爲僧匿迹大庸某寺二十年不履城市劫盜某剽財事

慈利縣志

人物

十五

發避捕走寺中強宗和供食宗和謀所以懾之出一簞粟及圍三尺木塊畀之令自炊復索白杵粟斧析柴宗和漫曰若壯士乃不能自食力邪徐起握拳代杵須臾米成更以掌碎木爲細薪曰若固鼠子煩老夫多矣盜等大駭四竄去於是人稍稍知宗和求從授技宗和婉却之曰公輩少年當治有用事圖進取毋徒以拳勇來身禍周東來八都人爲人愿懋寡言笑粥粥若無能慈利俗歲臘作粉餈相餽遺其法蒸糗令熟投石臼中兩人持堅木邪許對杵之糗性膠結非施強力資不可成故持杵者必番代東來獨否持一杵竟日夕不告乏也東來少時還一販馬者從受拳技技成未嘗一炫人與陵人也盜某者號多力夜穴東來室覺揚聲叱之曰若止毋逃一舉足斃予肘下矣盜即貼然不敢動

印亨太清季填補二十二都人性慧工劍術行步捷疾一日能走三四百里喜爲俠浪漫江湖日以盜自污負一革囊行半內國人莫能踪跡之所居在獅子巖門帶小阜坐堂上望遵阜行人歷歷亨太故嗜酒一日據中堂沈飲瞥見人越阜來者如潮水洶集則跳門外疾呼曰捉印老子者來乎仍返據案連斟巨觥飲時來者塞庭環案密如立筍亨太笑

曰毋動姑看我更一杯解饒酒罄擲杯赤膊起立左右手出利刃白晃晃如沃雪於是竦身唱曰來來捉印老子眾目乍瞬亨太已高騎屋危更唱曰來來捉印老子唱聲甫縱亨太儼植立門外小阜施施然徐步揚長徑去由是里豪某臥失頭宦某挾重金塗被劫皆曰噫必印亨太也亨太盜得之金專以惠卹窮苦無告不私封殖也故人莫不言印亨太後竟不知所終或曰掠死石門獄中或曰髡爲僧

縣人好施者明有皇甫瓚許綱瓚字世重多義行知縣游春霖編其門曰一鄉善士綱亦能施財正統四年江左大饑綱船粟千七百石往哺有司奏官之不受用義民特旌焉及清有汪之度王道圍劉復健李正開謝元猷之度之世當康熙末縣人修學宮之度偕從孫啟俊合貲甃泮沼其後歷乾隆嘉慶同治學宮凡三修泮沼一役并皆之度嗣人獨領羣以爲難能道圍復健正開元猷并各以減糶著聞而復健祖嗣畿於滇叛阻兵又能治團練抗賊後有趙金元施構瘞殪特爲州牧所表同時建橋渡者則李國錠朱劭一朱迪儒王萬珍又有徐登朝李士俊王正舉正舉貲巨萬區區斥千金濟里閭惠抑微耳而前

慈利縣志

人物

十六

修志時正舉猶生存乃至爲作美傳議者不能無佞史之疑顧今已渺後言特依而載之以媿乎不能施者焉且昭縣書之體歸於隨事直紀非可持高論用其人之他故并一行而苛沒之也其脩石路者有管盛典鄭吉榮管昌貴褚延栲李永吉于賢鵬卓克武前志悉爲列名焉盛典專長者富有金錢有妹嫁程夫無行佃耕盛典田而私以質錢於人盛典贖歸之復給耕如故終妹世不責輸租譚正紀高善點朱如祥齊祖德皆以貧鬻妻盛典斥私財贖止之各白首偕老清季譚吉禋募建九谿東仁石橋工需累萬不足貨已田濟之及完役田無幾餘矣又有鄭恆棟者居杉木橋募修其里石路行旅歡頌恆棟又募集育嬰經費行其法里下鄉俗爲丕變吉禋字春厓恆棟字柱丞皆歿於光緒中歲列女慈利俗窘悴西北瀟灑窮山女婦多田作跣足勤力賽於健男惟附郭稍治佚歲時會集簪飾佔佔賤者乃至招搖都市夜午不息謹別示限寡能蹈禮論治者病焉然而廣谷大川風氣剛勅詩書之澤不漸中閨箕帚瑣細隻辭乖迕蒼黃引決所多有矣雖褊忿少戾於正而強果不沮激其氣要足隱扶陰教故堅毅卓詭之行里巷幽伏亦時有傳聞

前志載列女不劫千百而雷同列名頗略事實今不欲相沿方書之體核事考言貴昭信方來故但比次其最殊異而迹又眾載人耳目間者依而論之自外空名諛文筆之不繫縣故削之無損女誠斯甄錄嚴焉

其節孝被旌者元有丁氏

夫名佚

明有韓氏

劉璋妻

丁氏

劉秉仁妻

二孟氏

一史錠妻

于氏

姚文昭妻

朱

氏

姚希宏妻

易氏

張德音妻

雷氏

生員永年妻

康氏

生員文衡妻

右十一人

者前志列其事狀按之多大同惟

康氏抗刃完節至今人稱者藉藉云初縣遭寇陷康氏與夫同被執康有殊姿憂見辱誑賊使脫夫與子即隨去賊喜從之於是正色曰我秀才婦曉節義死可從斷不可因大哭賊猶憐之強使乘康突前拔賊刀刺喉賊怒碎其屍而去未幾入清又有康氏谷氏事康氏者歲貢于應明妻也順治十年山賊蹂縣城康抱兒屬應明日行哉于氏二世惟是呱呱與君在耳不可不圖延一綫至於妾易處也應明泣頷之襁兒避去康乃挈二婢投澧水死三日屍出一婢持其臂一婢擁其足色如生焉知縣王永昇爲設祭見者莫不哀惻谷氏被掠在康死之明年夫向鼎私議質谷賊營歸釀金爲贖谷不可曰妾死君可逃否

慈利縣志

人物

十七

則必遭侮辱即還何顏對人鼎慰之誓必贖谷不欲隻身留賊中復曰且日去何如及夕賊強欲污之谷憤罵撞石上立僵於是賊壯其烈縱鼎俾還其後有朱氏夫熊佚其名年二十六熊死一子俄亦殤因自經知縣祖秉珪爲文表其墓有金石松筠之喻舒鼎甲妻龍氏者其世當禎治之交從辰州避兵慈利居亡何鼎甲歿有偵其單獨者賄媒謀強室之龍覺度無力相拒乃乘夜雉經媒氏之門時里氓畏事甚又方苦兵寇不暇述義烈故無有以其行誼上聞者

節婦行實可見者前志有孫氏李氏柴氏于氏劉氏孫氏清生員朱聲笙妻也夫故生兒僅七月家又空乏用績棉爲活兒長稍逐於嬉責之曰而未聞而父之弱冠附學籍乎言訖泣兒亦泣卒率教爲良士李氏夫單立惠年二十四歲寡亦勤於績棉卒歲閉坐一閣子非至親不與相見翁姑病四壁如洗李典衣被市藥餌及姑歿哀號絕氣更一日始蘇人以爲無媿節孝之稱云劉氏皇甫天湛妻也有高行童日父嬰危疾輒籲天求代人異之夫死時亦僅二十四歲痛毀骨立姑憐其少議遣嫁劉聞遽自斷其髮姑死未葬火發

於鄰劉蒼黃繞棺號及火滅所居室峨然無損又喜財施鄰何永書鬻兒葬母哭別甚哀
劉出機織羨金飲之族有嫁婦者又多方措給九金事獲已劉與李後皆近百歲而歿柴
氏萬載春妻操行嚴苦頗喜施予嘗誡子弟以散財曰益過損志古訓也汝輩識之封殖
之極必有人禍可毋懼邪于氏嫁藍永保永保卒繼祖姑在堂于獨敬事之繼祖姑每告
人曰孫婦殆不媿名門女劉氏王朝綱妻夫歿遺腹舉一男時劉年甫二十窘甚王族又
無可緩急者其母憂之劉傲然曰有子萬事足窮何病焉卒哺兒至成立又有鄧氏者蕭
宏春妻也宏春死鄧甫二十二歲又僅一女因號曰蕭氏三世而今其斬邪顧死易而立
孤難未亡人豈不知哉卒選於族使嗣夫祧艱悴匍匐鄰儻莫不悲敬其與鄧同趣者有
寇載朝妻曹氏載朝垂歿顧曹泣曰親老子幼汝不幸又年少奈何曹慨然曰萬一不諱
妾一身爲其難矣所不卒夫子事者鬼神則瞰之後知者咸以曹爲能不負初言又有王
氏者向萬岱妻也萬岱爲贅壻父母咸隔外縣念之每悒悒或泣下王曰吾有夫而使翁
姑異居豈禮也哉相與迓之還未幾萬岱卒王孝敬訖不少異萬岱族又有伍氏清生員

慈利縣志

人物

十八

萬選妻年二十五寡勤志厲行事繼姑以孝聞既而萬選本生父卒無嗣伍曰此不可傷
逝者心亟爲立主後而迓本生姑同居孝事焉

徐能瑄妻王氏嫁數年能瑄死王涕泣求殉或止之曰安有夫亡子幼宗嗣絕續繫一反
覆手而可孤行己意以死者乎王聞言強起視兒徐氏門戶故孱弱至是內陵外侮日月
有聞王茹涕撐拄勤女紅自給每雞鳴刀尺聲猶鏘然鄰火發燄漲及門王奮入求什物
移時不出羣疑其已死及燼滅則儼然坐門扃側衣履皆完論者以爲節孝之符驗云

朱世孝妻王氏婚彌月世孝外出旅販久之嬰危疾歸甫一夕遽死遺腹生一女眾以其
稚齒議嫁之王截髮爲誓有族父道謙者老無嗣至是憐王之有盛志而無依與約曰吾
無嗣今以若嗣吾而選羣從子爲若嗣何如王驚喜即依初謁舅姑禮拜見道謙夫婦前
志推爲能達權案世孝於道謙非有父子之分也死而王依附名之迹已疑於背夫且世
孝有嗣世孝之父不反無嗣乎此爲乖恩蔑禮瀆大倫而帥天下於僞故今不能以不辨
焉王後至八十一歲歿又有朱氏者王永和妻也亦以節著初永和歿姑遘時疫甚危朱

日夕在視姑謂曰苦哉雖然吾不可以是終苦若朱聞立斷其髮泣而號曰我死晚矣姑媿其誠力諭慰之乃止

清中世有王清平妻伍氏孟繼初妻鍾氏謝廷勅妻邢氏李永泰妻席氏汪應禮妻余氏卓玉成妻黃氏咸以節旌按其事狀大抵亦多艱難矣惟邢夫歿無嗣一再議祧皆用己意斷行之又有焚券之惠於里閭故其迹較彰聞光緒中有王氏者黎大梅妻也侍姑疾至四十餘日不解帶及寡設大梅位別室朝夕覲焉每拜起猶泣嗚嗚黎氏故大族饒貲積大梅之歿也王輒喜捨財而於浮屠氏到門雖銖金勺粟又靳不妄與鄉黨衡婦行者稱其識異於凡女子云王卒在光緒中亦獲旌如例與王同里者有譚正榜妻莫氏正榜卒莫年僅十八遺腹一男亦殤族眾豔其貲或陵侮之莫屹立不少撼卒鞠從子文光為嗣已而文光夫婦又死莫又鞠孤幼孫艱悴危苦凡獨力持門戶者至七八十年焉姻黨以為實不愧再造夫宗

張氏蕭開義妻也嫁二年夫死晝夜哭兩目盲焉時其母亦嫠居稍慰解之目病漸瘳已

慈利縣志

人物

十九

而有議嫁者拒之族從父生員居安從容曰汝能完節信足光吾宗雖然汝之齒未也無出蕭氏無可嗣吾族又無强有力者足以存汝今再醮尚不失為常人婦於是張泫然曰叔疑兒邪昔兒母豈富而多男者且蕭祀斬矣兒不婦於蕭不義不志乎母不肖不肖而生孰與先母以死不義以忠孰與殉夫於始事苟不幸兒處易耳忍覩顏更事人哉清知縣徐邦光聞而重之月割祿米飲其乏其後張死而吏沿往例猶歲割米如故焉

縣人李樹

芳書徐大令郵節事略甚哉節義之感人也戾虐如祖龍而懷清之築禮以上賓矧慈祥樂善者乎夫義莊之難遍於天下也久矣有巴婦之清而無財自衛欲完其志以終不恭難哉願不難不足以見節今日之舉非張氏意也吾慈有神君激揚風示國用以化蓋好善之心如此其同也抑予有感焉予先世與蕭鄰聞見稍遠未諗其留遺何若豈積有餘殃邪胡竟使其餒而也然張以不去延蕭宗而蕭亦遠矣造物者母亦明示之罰而巧報其節歟

其一門三節者則清謝氏劉氏謝氏黃上公妻也二十八歲亡夫有賢母之稱次子啟義妻吳氏孫世泰妻卓氏亦并以節著聞卓氏生一女夫故繼姪復夭或風再醮卓曰吾尙有姪姪子亦亡夫孫也忍二天哉劉氏夫曰于貞雲貞雲病瘵劉割股療之及寡年僅十九歲遺一子娶婦皇甫氏旋歿相與鞠遺腹孫娶姚氏劉年七十卒孫踵亡姚氏哀毀竟

以憂卒又有卓啟機妻吳氏年十九夫亡鞠孤兒至成立生孫七卒年七十八次孫達義妻唐氏亦十七歲而寡柴門扃影族姻罕得一見人以爲有祖姑風云又單氏劉漢林妻也與子婦唐氏并盛年早寡各臻老壽又張懷珠妻朱氏年十九夫故後所嗣子復歿朱與子婦咸以節著聞焉

唐氏劉氏唐氏謝庭煥妻父曰清生員印澄唐嫁庭煥一年寡鬻嫁衣爲夫營葬日夜績織奉姑饋粥有諷嫁者則曰未亡人臨遣嫁吾父即知有今日故諄諄以生謝家婦死謝家鬼相詔言猶在耳敢不義背夫不孝背父哉卒年七十一舉人胡金釗擬具狀請旌門後不果劉氏夫曰吳昌銘年二十四夫卒遺孤曰成桂成魁嘗諭之曰吾家故儉薄單丁下族今幸有汝兄弟而天又奪汝父之年是所由淬厲我母子爲何如邪敢不各爲其難家卒以不墜年至九十卒

郭氏趙紹文之側室生二子長曰煜南清貢生方紹文夫妻歿郭惇惇未亡弱甚族無賴每陵之則蹶起厲叱之曰後敢爾者吾將以頸血相濺燄乃歛又有黎氏夫曰卓尙恩夫

慈利縣志

人物

二十一

卒姑隨沒舅仁敬商於外黎紡績自持內外井井卒年七十

朱氏名際銘六都朱咸琬之女嫁賈學奎清同治初學奎卒無嗣朱奉病姑撫弱弟一切倚鍼繡紡績畜牧以辦姑病癱瘓手足拳縮矢溺抱持飲食供頓凡歷三十年之日月一肩任之不委他手朱際敬解黃陂知縣歸聞其孝行登堂請謁并請見其姑朱入引衣外襟綳姑出如綳嬰兒也者際敬爲太息姑年八十一卒朱卒年亦近七十又有程氏王氏姑婦也亦居六都曲水溪程氏年二十四夫朱迪蘭卒亟圖自裁翁姑慘然相謂曰而欲同穴邪祿中兒誰長堂上老誰養矧今日之事而夫固以大事相屬苟焉一瞑兒忍邪程泣且拜曰兒不敢矣不敢矣王氏者程長子咸來婦也咸來生子程雀躍語咸來曰汝今有婦有兒吾無恨汝父在地亦無恨矣未幾咸來又病且劇哽咽語王曰吾母不幸年二十四而失吾父今若視吾母又差一歲然則當奈何言訖目程與王而瞑程不哭王度姑憐已亦強忍起治事間惟背人撫膺一慟後各踰七十始卒

其後有龔氏楊氏均居墳補二十二都龔氏夫曰杜國柱國柱經商羈死財產蕩盡龔鞠

六孤兒飲食衣履皆出十指艱窶萬狀矣而外不以窮示人孝事衰姑湯藥飲饌躬親檢校四十年如一日最後三年姑寢必視既就枕必僵立外戶逮軒聲漸漸作始逡巡旋踵趨出楊氏嫁程而早寡齒稚也或諷之嫁則泣曰世豈有一女而事二夫者乎買紅綾三尺禱里神祠而瘞之矢曰未亡人而有異志者雷必殛綾亦必褪色後三十年病卒或發所瘞綾紅痕爛然如初出染見者莫不異之

姚氏朱際昌妻嫁二年遭疫闔家十餘口皆沒惟姚與翁僂然存翁老且病僂居與姚隔一室冬夜泄瀉作口占詩曰油燈殘無燄寂寂與鬼隣黃犬憐我獨蜷臥傍主人獨兒試一喚搖尾來相親其聲悲慘姚不解文義詢諸從子爲釋其詁姚泣然流涕曰我不忍更顧嫌疑陷病翁於惇惇孤獨之一境由是不離左右者累月未幾翁卒人孝之甯氏于淦贊妻嫁二載寡時翁亦前卒姑婦單絕相憐甚居嘗太息曰于氏兩世不絕今如帶在翁恃姑在夫恃未亡人似續大計姑若不先兒何敢議於是姑乃立夫從弟雲贊主翁祀又後雲贊長子鴻祐生羣議以之祧淦贊於是甯長跪陳牲醴謁廟謂三十年幽霾之日月

慈利縣志

人物

一一一

乃今始睹赫曦聞者莫不哀其語又有朱氏者夫曰于翼善翼善死朱年甫二十又四十年始撫夫弟子睿贊爲主後其艱難視甯氏殆又過之又有戴氏汪蕙凱妻蕙凱婚後兩年病卒子品玉生甫彌月喪葬訖戴抱而指以示人曰汪氏一綫繫彼襁褓中物吾覩顏視息者用此耳兢兢字育夜臥恐睡熟成壓兒也三年不一轉側其後品玉又卒戴太息言曩實爲存夫祀今四抱孫矣又何戀戀爲品玉死後三小時亦卒年六十六歲

蕭氏劉奉文妻初奉文病癱瘓飲食坐臥百凡需人兩家親屬議毀昏約蕭聞涕泣自陳與改嫁寧一死遂歸奉文事之如字嬰兒一無怨艾清光緒初年六十七卒楊氏名金枝故褚姓女也舅父楊宗雲撫爲童養媳會宗雲所祧異姓子浪蕩死金枝遂蒙楊姓以舅爲父焉性穎悟精女紅端靜寡言見者咸敬畏及年三十一悄然啟宗雲曰爺爺生養死葬向以屬兒者今恐成泡影言訖泣下未幾果病作遂卒

劉氏名月華清生員黃德智妻也慈祥有辯才里有爭訟往往用口給片言消弭巨費一方人爭歸之家故饒給助德智爲財施寒饑者衣食之疾病無告者醫藥之死又贈棺槨

埋之無遠近皆號以劉婆婆

許氏庚容海之母容海清生員有文行翁曰紹安為里中童子師束脩所入殊薄少許既寡居日瘁十指用資事畜既卒吳恭亨為表墓備言臨命之且陽陽如常據矮脚几勉纏木棉見者聞者咨嗟劬勞相與泣下蓋實錄矣蕭氏毛宗植妻宗植豪宕喜結納賓姻填門酒壘茗蕭躬親料量七年七月大庸盜竄上二十都恣焚殺閭里蕩然一日羣火宗植宅蕭方奔出聞幼孫嘵聲復入求之烟燄瀰漫遂同死

胡氏謝代義妻年二十一歲寡鞠遺腹子朝瑞成立歲除朝瑞出責逋莫能得錢以其肉米歸胡厲聲曰明日何日汝獨不為債務者地邪朝瑞立舉還之色乃和霽又有唐氏者夫曰袁學貴年二十九學貴死胡與夫妻李氏各鞠遺孤間語李氏吾良家女汝亦良家女吾子學貴胤汝子非學貴胤乎各盡母職毋貽夫子地下戚可也其相愛悅如此饒氏九都于敦書妻年三十六敦書死藉紡績為活長兩兒嫁一女卒大夫門戶清光緒二十八年卒

慈利縣志

人物

一一一

彭氏田金楠母年十七歸於田十四年夫死崎嶇教金楠成立在室凡六十年年八十卒田彭皆業農故彭獨明習田事躬自布職每日辨色起具食會諸傭當食立旁部勒某犁某田某耘某畝田者耘者日中及某辰又及某指事程功瞭如圖授勤惰優劣一一坐照論者謂田本中家微彭與撐拄金楠父子內憂飢餓之不暇烏能相踵立文學取革命大名以赫赫於一世同時有印氏吳達五妾也雖不能步驟彭氏課農大門戶而侍夫癱瘓疾十年衣不解帶幾於女職所難能達五卒脫釧易錢教督嫡孫以立時名年六十矣又保抱嫡曾孫孫保至於有成印卒七十七歲卒後孫保為印老老墓表語絕悲痛識者稱

之紀吳孫保印老老墓表嗚呼惟我印老老於既卒之五年其曾孫孫保曰陵谷變矣今釋勿亦市商二十年能識大體曾大父晚年病痿起居飲食及浣濯垢汙均一手職之生無出一家抱大提小敬憚如又加勤焉憶孫保六歲就傅縣門歲時伏臘歸省必儲果餌以待他孫不成人望也每當行或傍徨通宵無睡視天之曙則哽咽泣今老亦泣徐曰讀書所以裁汝使成人在心雖痛然不願汝廢學挈送之門作吉語情事今歷歷在目也嗚呼傷哉老老卒皆在華民國元年十月十四日年七十有七葬保兄弟生諸嬰牙牙學語以難而孫保與吾父

之曰老老云孫保既哭吾老老屬逢時變輒亟亟序述一二抵羊之跪情發於中以曰聲後則吾豈敢中華民國五年十月三十日曾孫吳琛保表

袁氏唐文超妻文超家貧薄死後袁節縮衣食俾季子逢吉竟學禮遇賓姻勤懇周至逢吉附學籍爲生員袁庭詔之曰爾幸副父母願然吾二十都以一衿作護身符者其本末厭見習聞多多矣爾慎毋蹈覆轍同時有朱氏爲子孝義繼妻亦以子悌讓爲生員切誠其不可入公門預公事女婦能遠榮勢識蓋爲不可及朱婉慙足智所居九都山中民俗淳樸出不與馬一日侍夫賀親串家歸中道日暝大雪塞徑經一叢薄瞥見毛蠕蠕物躺地赫然虎也朱無言亟掖孝義疾行孝義惜不覺比抵舍汗濡縷若新出浴矣平旦人言山有虎眾乃奇其勇敢後卒田金楠爲銘墓擬之於婕好當熊云

譚氏方氏黃氏皆二十一都人譚氏夫曰李樹芳居江埡有文章重名樹芳家貧薄幕游外縣藉脩脯爲活譚居守數米量薪率先勤毅以埤其闕夫兩兄前卒遺子女駢蕃曰教曰養一無歧視其從女夫今湖南司法司長徐鍾衡相與泝往猶歷述姑氏慈也譚前樹芳卒樹芳及子炳寰自有傳方氏夫安鴻禧鴻禧官九谿營千總喜狗馬漁獵聞內外一

慈利縣志

人物

一三二

方主之姑老失明起居扶掖皆由獨力雜賓滿室烹調瑣雜不假他手至今人比較婦功莫不賢方奶奶曰方奶奶健也奶奶者仕宦家相謂之貴稱黃氏劉紹錫繼室前妻子天佑剛躁使氣與人言一不合拳頭如杵加其首矣黃聞遙呵止即斂退卒年九十二杜氏莫祖紳妻祖紳兄弟歲求學於外費不貲家又中產杜嗇食勤力日夕求彌其闕浣爨暇手不去紡車人至者靡日夜常聞車聲軋軋喧耳也事姑暱若親母凡姑嗜食物必多方求備儲以應需中華民國六年十月卒於產祖紳爲文志葬其同里有唐氏夫曰王育選家貧債務累累用紡績掙錢不數年宿逋完了遠近交稱之育選性暴負氣選不可輒噪怒唐下氣柔聲格之以順一室用無諍言卒後遺蒲扇一二十年前物也而完好無一損人愈稱重之

孝婦割股者有彭行鑑母鍾氏鍾氏嫠也姑病求肉不可得則割己股爲羹進焉月餘創裂死又胡崇文妻周氏朱純典妻胡氏并以割股療姑疾著聞清嘉慶時有鄧氏者胡國賢妻也鄧籍豫章曉文字一日翁病國賢賈在外百藥罔效鄧潛祠於神割左股肉三寸

許和粥以進翁疾竟已其後姑又病鄧復割其右股小女偶言及之翁姑驚持而泣於是事漸彰聞鄉里競稱爲孝婦云

貞婦有陳氏六都陳安太女也許嫁王廷松廷松覓父外出十年無息耗後母朱氏謀別昏陳曰待兒三十歲議之朱怒俾異爨焉陳惟日一粥食鄰女或哀而飲之輒不受時廷松母亦窮悴間往省歎曰世間愁苦盡付吾與汝矣相對慘沮及年三十朱又集族人議嫁之陳曰是迫我爲江中鬼爾誓不許未幾廷松歸始泮合成禮

鄭女許嫁余海將笄而海歿女痛求死其姑迎致之以婦禮見焉遂不復歸既老飾髻猶作女兒狀曰以此見夫壻於地下聞者重悲其志又有彭女者父曰恩燾壻王氏從官江南數十年不得問恩燾偶諭女以更嫁則大哭竟依父母歿都門

王女涂正璉聘妻也正璉籍彭水去縣千里未及婚而卒問至女欲狂奔喪其母難之因誓不再嫁依母幾三十年清同治初洪寇警聞盡室當避入山女喟然曰生死要須潔清去此一步將污賊手乎不可及夕聞闔扉聲縊死矣又有朱女者父曰廷渲壻早死年十

慈利縣志

人物

一四

五母歿二兄傭力外出一弟方在襁而父又前病瘳日夕呻吟牀榻女百計撐拄艱悴至無人狀諸父憐之諭令別婚女曰豈不願哉顧誰則持朱氏門戶者兒即大忍人亦何至專爲身計而坐聽老失所養幼失所長邪因涕泣辭絕之女後卒不嫁與王女同獲旌近又有杜女張女事杜女者字於唐將笄壻死女弔焉因留執婦禮父母難其事不許女遽攜肴酒詣奠壻墓所哭而以頭觸石血迸出眾大驚乃議如其志張女壻曰譚吉相亦未婚死女涕泣奔柩前成禮一時名人多有歌其事者

烈女余氏者名春姑侯祚武聘妻也清咸豐初祚武征寇戰死女聞絕粒焉其母慰解之已而更爲許婚則憤投繯救又不死會侯氏翁生日女白父母往慶至則突前拜伏地翁驚問誰女曰新婦余氏女也翁哽咽曰大人何悲今婦在卽子爲不死矣徐起更拜見姑以次及內外族姻拜之皆徧賓親在堂者咸太息或泣下居有頃其父以遣嫁期迫趣令歸於是女言笑陽陽如常日及笄之前夕羣讙噪失女迹之赫然死塘中遍體皆衣侯氏衣短至不沒胛蓋問名時物也里人哀而祠之朱先敏傳其事獲旌於朝士大夫盛有歌

詠縣人劉彩庭詩烈女苦烈女之身不自由烈女之志能自主莫沒烈女志用歌烈女苦

長未見郎面安知蒲葦之不終斷河關封侯馬烈上問郎何日還三解一國殤忽旌注

弱小侯郎在其中郎衛社稷妾悲河關封侯馬烈上問郎何日還一國殤忽旌注

四解一革裹尸今已矣郎生未敢殺賊郎死或為厲鬼郎不負國妾負郎妾心有如此水

堂上啓阿耶兒願以侯氏為家耶娘吞聲關其口適侯氏躋堂稱上壽一五解出門且

巾車蛾眉盛不舒頭上挽髮髻身上著素裾耳綴舊明璫腰繫故羅襦十步五步行次且

杞妻人間涕欲枯一六解一倏登侯氏堂下馬是鴛鴦與鴛鴦今作參與商參商斷寸腸一五解且

烈女掩袖淚千行鄰里見烈女太息為感傷本鴛鴦與鴛鴦今作參與商參商斷寸腸一五解且

同茫茫願為侯氏婦長年稱未亡一七解許字初四納聘金豔說東人子不似侯郎意不諒

歲寒心初一始到家初二來媒人初三為許字初四納聘金豔說東人子不似侯郎意不諒

知侯郎已死許侯郎之身不敢獨生一八解妾投繯苦未絕五內常崩裂防伺日以嚴涕

淚化成血嘯血不成聲夜半婆星欲淪精賤妾追計千載名女兒自看千金身渴不飲盜

一水照見妾意長今日與郎會九原九原之下訴酸楚妾身不自由妾志能自主妾身不

自由妾志能自主一呼嗟時與旌者又有安昌松女女與余同里閨許嫁盧永長亦不及婚

乎烈女苦一十解而永長歿女殉焉時號九谿二烈後十年又有傅烈女事

傅女幼字滿建學父曰遠佑年十九將婚建學病亟女聞擬往候之母不可俄建學死請

往又不可女悒悒晝夜泣會有議婚者母正告之曰兒今不能為滿氏婦即亦何能終為

慈利縣志

人物

一五

傅氏女必欲濡尼者恐且進退失據女聞言失聲哭曰果爾兒惟辦一死其夕母挈與同

臥數起偵無之亦恙及雞鳴喘作則藥發死矣殮者弛袒衣悉縞素密縫焉又有尤女者

父曰國義字女於某氏某奇窮來告情願聽女別嫁覓得少錢物救乏國義怒斥之女聞

大恚雉經死

陳氏黎昌韓繼妻昌韓生員有時名前婦失姑歡昌韓出之因頗多悲咤及陳歸稍稍相

慰薦期年昌韓暴得咯血疾殂遺一子又死於是汪然日向所不從亡夫地下以有是塊

肉覬可延黎宗一綫今其斷棄矣亟飲藥會救獲蘇居頃之有告舅姑謀嫁者則大哭清

光緒十八年六月初五日晨起薦肴酒昌韓靈几傍徨哀號羣姊以為常常如是不之疑

及宵藥發竟死年二十三遺言葬附昌韓墓明年縣人上其死狀得旌如例縣人乞旌揭

酒而若甘死或增泰山之重論雌風以不靖事終同時殉夫者有宋德聲妻王氏六歲童

為門戶之光天則俾弱息成名我將於使君徧德詞略曰飲鳩

養於宋言動沈靜及為婦孝事舅姑又甚謹昏數月德聲疾作垂革涕泣詆後事王俛默

久之曰何言顧必不至負君於是德聲歿王哀毀骨立舅姑百計寬譬之不忤亦不答竟

不食五日死

與陳氏同時者又有張治盛繼妻李氏李氏大庸人父曰清生員安森嫁三年治盛死無子遺腹一女又殤李故嫻文墨治盛存日夫婦考業辨難盛有述答及是念徒死非可道責謀為治盛立後其姑不欲也議未決於是姑頗苛遇之張族人因析治盛遺田俾李異爨焉亡何姑又併田奪之日益譙訶一日有親串某至姑所與語甚密李疑焉移書訣母兄并為絕命詩三篇從容投繯死年二十有七明年其兄以聞督學張預為檄縣議旌焉督學張預批牘詞據稟該烈婦張治盛之妻李氏以左妹之清才為陶嬰之寡特生逢姑惡幾罹東海之冤居有叔癡軀妒西鄰之富計吞絕產謀嫁孀嫠哀哀共姜之詩柏舟何汎慘慘若敖之鬼麥飯終虛該烈婦慮鬼賊之難防懼冰霜之莫保磨笄厲志誓隨皇辟於九原書帛鳴哀敢告寡兄以一死檢閱鈔呈臨終遺書及絕命詩三首以孤危之身命抒悽惋之情詞其志宜章其節尤可閱仰澧州立飭慈利縣督令該烈婦族開具守志事實殉節月日呈由該縣專案申詳以憑會同撫部院奏請旌表仍飭該族為其故夫張治盛立嗣以存宗祀而慰貞魂至該烈婦芳烈未湮遺詩可誦亟應收入慈利永定兩縣志俾垂信筆庶闡幽光嗟乎曹大家之家學福慧不脩謝道韞之貞風情文自茂童鳥不有誰為未亡人慰鑿楹之思寡鵠有知當於賢使君謀銜環之報

朱氏九都于悌賢妻悌賢死朱年二十一含歛百需皆手治之一無戚容及送葬返望門

慈利縣志

人物

一六

號慟哀響動林木既而面翁姑泣曰婦無子女不至遺二大人戚今已矣但叔氏漸長何必無佳兒婦願節憂毋徒以一掬淚殉死者言訖以頭抵地羣掖之氣奄奄僅屬矣蓋送柩還歸塗即潛服罌粟也先朱氏殉夫者又有王氏夫曰朱德聲德聲死王年十八歲其殉也蓋五日不食云